



Шолмо эл, порымлык да гын берг!

43-шо (3327) №,
2017 ий 21 октябрь,
шуматкече.

ЯМДЕ-ЛИЙ

1933 ий 1 февраль годсек лектеш.

0+

22 октябрь –
Школысо книгагудо-
влакын кечышт



Авырнын фотожо.

Книга – ончык вудышо
Школын книгагудыжо изи пӧлемыште верланен,
туге гынат Людмила Вениаминовна тышке учеб-
никге, сылнымутан литературге латкок
тӱжем книгагым йӧнлын вераҗден.

(снимкыште шола гыч пурлашке)
(снимкыште – покшелне).

«Кенезым книгагым лудында?» – йодмемлан Родион Рябчиков, Вика Бердникова, Кирилл Рябинин, Мария Акулова, Яна Рыбакова ик йӱкын «Лудынна» манын вашештышт. «Удыр-рвезе-влак чынак молодец улыт, - пентгыдемдыш школын библиотекарьже Л.В.Петрова (снимкыште – покшелне). – Кажныже «Лудшын дневникшым» чаткан вӱда».


Родион технике дене кылдалтше книгагалам лудеш. Рушла, марла мутлана да англичан йылмым тунемеш. Тудо эше араб ден немыч йылмылам палынеже. А Кириллан ачаже семын чонгышын пашаже келша. Ты профессийым утларак пален налаш манын, тиде теме дене кылдалтше литературым шымла. Удыр-влак янлык, пӱртӱс нерген, йомакым лудаш йӧратат. Эше тӱрлӧ спорт секцийыш, кумдан чапланыше «Шонанпыл» йоча ансамбльыш коштыт, а туштыжо – кажне кечын репетиций. «Книгагым лудаш жапым садак муына», - ойлат йоча-влак. Чынак, жапет мыняре чӱдӧ – тунаре шуко ыштен шуктет.

Оршанке, Кугунур.

А.ЭМАНОВА.

ПОДПИСКЕ

Пагалыме ача-ава, коча-кова, йоча-влак!
2018 ийын икымше пелыжлан подпiske умбакыже шуйна.



«Ямде лий» газетын акше – 298 тенгеат 80 ыр.

Марий Элыште, Башкортостаныште да Татарстаныште илыше-влак, «Почта России» каталогым ончыза!

Индекс - П4696.

Писатель, мер пашаен, туныктышо, шанчызе И.Е.Одарын (Романовын) шочмыжлан 130 ий темме лумеш Кужэнгер район Аганурышто шарнымаш кум почмо.

30 октябрыште Российысе кажне тунемме тӧнежыште «Интернет» сетыште лӱдыкшыдымылык нерген единый урок эртаралтеш. Тыгай урок нылымше гана лиш. Умаште 12 400 000 йоча ушнен.

Самырык автор-влакым «Сылнымут шыже» семинар-совещаний иквереш чумыра. Погынымаш 10 ноябрыште Усталык ушем-влакын пӧртыштышт лиш. Паша-влакым ончылгоч колтыман.



Увер выр-выр



Йолташ ўдырем Эдита Александрова (**снимкыште коктын улына**) тыршен тунемеш. Тудо математикым йӧрата, а мый – руш йылмым. Яра жагыште пырля библиотекекыш коштына. Тушто книгаг, журнал-влакым куанен шергалына. Мыланна «Ямде лий» газет поснак келша.

Света КРЫЛОВА.
Морко, Арын.

Геройым шарнена

С.Р.Суворов – марий калыкын геройжо. Кугу Отечественный сар годым ик тале кредалмаште тудо шуко тушманым пытарен да нелын сусырген. 1942 ийыште госпитальште колен. 1943 ийыште Сергей Суворовлан Совет Ушем Герой лўмым пуэныт.

Тений 7 октябрыште Сергей Романовичлан 95 ий темеш ыле. Ме Геройым шарныме кечым палемдышна. Шуко уна толын. Эн ончыч С.Суворовын шочмо Кугу Вочарма ялыштыже, тудын лўмеш мемориальный комплексыште, а вара школышто митинг эртен. «Геройым калык шарна» касыште марий талешкын шўжарже Нина Семеновнан, Марий кугыжаныш университетын профессоржо Виктор Степанович Соловьёвын шарнымашыштым шўм вургыж колыштна. Герой нерген киносўретым ончышна, Нартас школын тунемшыже-влак почеламутым каласкалышт. Уна-влаклан экскурсийым эртарышна.

Марий Турек, Сысоево.

Школна С.Р.Суворовын лўмжым нумалеш. Тудын дене ме кугешнена, сайын тунемаш тыршена. Герой чоныштына курымешлан кодеш.



Наташа БУРКОВА.



Пайрем

Морко реабилитаций рўдерыште «Шыже» пайрем эртен. Йоча-влаклан онай да весела лийын: кугу калошым чиен, мотор Шыже дене пырля пакчасаскам нумалыныт. Ўдыр-влак куштенят, сценкым ончыктенят. Эн изи «артист-влак» мурым муренят. Ончышо-влакат шукуын погыненят, йоча-шамычлан таум ыштенят.

Н.П.НИКОЛАЕВА, воспитатель.

Поян шыже

Школ пакчаште пакчасаскам поген налынна. Тений лектыш куандарыше, паренте веле начаррак шочын. Кажне шыжым школыштына «Во саду ли, в огороде» конкурс эрта. Мый шоган гыч «Шӧртньӧ кол» да «Сылне кайык» композицийым ыштенам.

Ксения БУТЕНИНА, 2-шо класс.
Морко, Эгерсола.

Кўктымӧ парентге

Кажне ийын ача-ава-влак дене пырля «Кўктымӧ парентге» походыш лектына. Ик кечын уло школ дене погынен, пўртўсыштӧ лийна. Кугу тулотым олтышна, ломыжеш парентгым кўктышна. Тўрлӧ семын модна, куржтална.

Ирина МИХАЙЛОВА.
Татарстан,
Агрыз, Пелемеш.



Молан книгаг лудман?

Молан книгаг лудаш кўлеш? Лудат – ушан лият, сайын возаш тунемат. Мый утларакше йомакым лудаш йӧратем. Школ библиотекекыштынат, ялысыштат шуко онай книгаг уло. Мӧнгыштат книгаг шуко. Мый эше «Ямде лий» газет ден «Кече» журналым налам. Утларакшым «Ямде лий» газетым лудаш йӧратем. Тушко шкеат возкалем. Авам ойла: «Лудат гын, йылмет лывырга, шуко ум пален налат».

Лудса, йоча-влак, книгаг! Налза «Ямде лий» газетым!

У Торъял, Кузнеч.

Полина БИРЮКОВА.



деч посна, мый Бауман лицейыште йоча-влакым сүретлаш тунуктем. Тений 1 сентябрь гыч Америке гыч толшо ўдыр-рвезе-влак лицейыште тунемаш тўнгалыт манме увер тыманмеш шарлыш. «Ямде лийын» лудшыжо-влакым нунын дене палдараш онгай, шоналтышым. Вашлиймашке шемалгырак чурийвылышан кок эрге да ик ўдыр толыч. Нуно икгайрак койыт. Варажым рашеме: йоча-влак ик еш гыч улыт. Нунын кокла гыч Сорин гына рушла изиш мутлана. Сандене ме кусарышын полшыжлан энгертышна. Утларакше Кали-Анна вашештыш.

эн тўн шонемашна. Марий Элыште илыше калык пеш поро кумылан, кеч-кунам полшаш ямде. Меат Америке да американец-влак нерген палдарена.

- Тунемме деч посна те мом ышташ йоратеда?

- Ме урок деч вара лицей пеленысе «Лира» сымыктыш школышко коштына. Сорин

Теныз гоч – кепшымаш кўвар

- Йошкар-Олашке тунемаш кузе логалында?

- Ме Америкыште Калифорний штатысе Клермонт олаште илена. Ачана 2016 ий гыч Йошкар-Олаште пашам ышта. Тудлан мўнгў чонештылаш йўнанжак огыл. Сандене ачана мемнам пеленже конден. Тыге ме пеш тора да йўршеш палыдыме Марий Элышке толынна. Авана пашажлан кўра Америкыштак кодын. Тудо Голливудышто режиссёр.

- Те у верлан нелын тунемында?

- Эн ончыч чот аптыраненна. Туге чучын, пуйто ме илыш деч торленна. Варажым пырля тунемше-влак дене палыме лийынна, икте-весе деке унала миен толына, республикысе онгай верлам ончен коштына. Кызыт йокрокланаш жап

йўршеш уке.

- Российысе образований тендан деч мо дене ойыртемалтеш?

- Америкыште 12 класс марте тунемыт. Бауман лицейыште тунемше-влак класс гыч классыш огыт кошт, нунын деке тунуктышо-влак шкешт толыт.

Сандене тыште тарванылмаш ок сите гай чучеш.

- Руш йылмым раш палыде, очыни, шинчымашым налаш неле?

- Мутат уке, пеш йўсў. Ме Российысе калыкын илышыже, марий калыкын тўвыраже нерген газет да журнал, Интернет гоч огыл, а шке ужын, вашлийын мутланен пален налаш тыршена. Тиде



Эн кугужо, Кали-Анна, 11-ше классыште тунемеш, кыдалашыже, Эвэрэт, 8-ше классыш коштеш, эн изишт – Сорин – 6-шо классын тунемшыже.

виолончель да фортепьяно дене шокташ, Эвэрэт актёрын мастарлыкшылан тунемыт. Мый сүретлаш йоратем.


Тўрлў калыкын тўвыраж дене палыме лиймаш кечмогай калык гыч лекше йочалан пойдаралт виянашыже полша. Икте-весым утларак пагалаш кумыланда.

Ф.ЛЕБЕДЕВА мутланен. Авторын фотожо.

Йогылан вуйым ит пу!

«Лач пашаште айдеме чапым налеш» - тыгай ой дене мыят келшем. Кеч-могай пашаштат айдеме кугу кўкшытыш вик ок кўзў. Ончыч чот тунемман. Мутлан, пашаен уло вийжым пыштен тырша. Вуйлатыше, тидым ужын, паша тошкалтыш дене «кўзыкта». Тиддеч вара пашазе эшеат сайракын пашажым шукта. Но кажне ег карьерым ыштен ок керт. Южыжо пашалан пеш уста гынат, йогыжлан да уда койыш-шоктышыжлан кўра кўкшытыш кўзымым чарна. Тыланда каласынем: йогылан вуйым ида пу.

Елена ФЛЕГЕНТОВА.
Звенигово район.



Тунуктышо нерген калыкмут:

- ◆ Тунуктышым ача-ават семын пагале.
- ◆ Йочам тунуктымаш йомакым каласкалымаш огыл.
- ◆ Книга ора тунуктышым вашталтен огеш керт.
- ◆ Ача-ава икшывылан капкылым пуат, тунуктышо – шўмым.
- ◆ Тунуктышо йочан шинчажым почеш.

В.СМИРНОВ чумырен.





Октябрын кокымшо пелыштыже финн-угор калык-влакын кечышт палемдалтеш. Икымше гана тудым 1928 ийыште Финляндийыште пайремленит. 1931 ий гыч Эстоний, Венгрийшке пайремыштлан шотлаш тўналыныт. Российыште тудым 1991 ий гыч «Фенно-Угрия» целевой фондын темлымж почеш палемдена.

Мўндыр Ханты-Мансийск олаште «Лыланг союм» йоча этнокультурный рўдер пашам ышта. Тышке тўп калыкын, хант ден манси-влакын, да олаште илыше моло национальностян калык-влакын йочашт коштыт.



Сонарзе-влакын пикш дене куштымашышт.



Оксана Вадичупова рўдериш кандашымше ий коштеш. Толмекшак, журавль манме семўзгарым ойырен налын. «Ачам семўзгар-влакым ышта. Иўкшў мылам изиэм годымак келшен шинчын», - каласыш ўдыр. Оксанам шокташ Алексей Александрович Решиков тунуктен.

Тунуктышо ден воспитатель-шамыч нуным име, бисер дене тўрлў арверым пидаш, тўрлаш, сўретлаш, национальный семўзгар дене шокташ, кушташ, мураш, хант ден манси йылмыла дене мутланаш тунуктат.

Тений 15 августышто «Лыланг союм» лу ийым темен. Ты пайремым рўдериш коштшо 600 наре йоча пеш куанен вашлийын. Кажныже шке кид дене ыштыме могай-гынат арверым ярмингаш луктын. Мурым, куштымашым, почеламутым ямдылен. Изирак концертым Росси йысе финн-угор прессын VIII фестивалышкыже мийыше журналист-влакланат ончыктышт.

Куштымашт годым ик ўдыр ўмбачын шинчам корандашат ыш лий. Туге лавыргын тарванылеш, капкылыштыже лужат уке, шонет. Палыме лийна: тиде Катя Желткова (пурла снимкыште), 5-ше классыште тунемеш. Ну, чылт хант ўдыр. Лывыргылыкше – тудын вўрыштыжак. Катя кидпашаланат мастар: бисер дене йытыран пидеш, сўретла.

Шочмо калыкыштын тўвыраштым йоча-влак кумылын шымлат. «Шочмо йылме дене эше сайын мутланен огына мошто, но садак тунемына», - каласышт чеверласыме годым.

Д.РЕЧКИНЫН фотожо-влак.

А.ЭМАНОВА.




Финн

Тений декабрыште Финляндий посна кугыжаныш семын илаш тўналмыжлан 100 ийым палемда. Тидын вашеш «Калевала» эпос негызеш йоча-влак-клан чиялтышаш книгаг луктыныт. Эпосын тўн геройжым Вайнамейненым теат сўрастарыза.

Карел

Карелий Республикыште илыше йоча-влаклан шочмо йылмышт дене «Киріпа» («Сескем») журнал савыкталтеш. Тиде журнал гыч тыгай заданийым темлена. Кў кў дене мутлана?



Зоя Полюхын сўретше.



«Уржа-сорла пазыт» темым иктешлыше заданий-влак

8-ше класслан

Күкшö категориян туныктышо, кок гана Россий Президентын грантшым налше, Россий Федераций общий образованийын почётан пашаенже, Йошкар-Оласе 21-ше номеран школышто кугыжаныш марий йылме урокым вудышö
О.Н.ВАСЕНИНА
ямдылен.



1 Предложений-влакым кошартыза.

Шортньö шыже _____
Уржа-сорла _____
Ялысе калык пакча да пасу _____
Оласе калыкат садыште _____
Йоча-влак ача-аваштлан _____
Тургым жап эртымеке, _____

2 Мут-влакым кусарыза. Кажныж дене предложенийым чоңыза. Архаизмым муза.



Сава, сорла, шогавуй, шурно, идым, пырче, шыдан, уржа.

3 Шкендан кундемда нерген возыза.

Мемнан ялнан лүмжö _____ Тудо _____ районшто _____ Ялна _____, _____ Мемнан _____ велне _____ ялозанлык предприятий уло. Тушто _____, _____ ончен куштат, _____ ашнат.

4 Мут-влакым кусарен, чын формышко шынден возыза.

1. В.П. Мосолов 1888 ийыште Марий Турекыште _____ (родился)
2. 1922 ийыште тудо Москвасе академийым _____ (закончил)
3. Тудын тыршымыжлан көра мемнан республикыште _____ опытный станцийым почыныт. (сельскохозяйственную)
4. Василий Петрович _____ Кугыжаныш премий дене палемдалтын. (дважды)
5. Академик _____ книгам, научный статьям возен. (более 120)




5 Ялозанлыкыште могай специалист-влак кўлыт? Мут радамыв шуйыза.

Агроном, зоотехник, ...

6 Палемдыме мут-влаклан эртерен, предложений-шамычлан йодышым шындыза.

Ожно калыкын илышыже пеш неле лийын.
Ен-влак пасу пашам кид дене ыштеныт.
Пөрён-влак имне дене пасум куралыныт.



Ўдырамаш-влак сорла дене шурным түредыныт.

7 Калыкмут-влакым кусарыза да умылтарыза.

- ❖ Кинде – сий да илыш вий.
- ❖ Пашам чот ыштет гын, уржа киндат – калач.
- ❖ Ош киндат рокеш шочеш.
- ❖ Кинде деч кугу от лий.
- ❖ Уда урлыкым үден, шуко киндым ит вучо.



Вич йолташ

Уло мыйын пырысем
Визыт: Барсик, Рыжик, Гоша,
Мурик да Маруся.
Барсик барс гаяк осал.
Рыжик рывыж гай чоя.
Мурик пешак чот шыма.
А Маруся, ой, ковыра.
Тудын гай «мыжерже»
Уке иктынат.
Гоша – шонго пырысем,
Садлан чотак чаманем.
Кеч шинчаже огеш уж –
Уремыш луктын
мый ом шу.
Пырысем-влакым йоратем,
Модыктем, пукшем, малтем.
Ангелина ОГНЕВА.
Морко, Коркатово.

Вискас ден Алтай

Мемнан суртышто пырыс да пий улыт.
Пырысын лүмжө – Вискас. Тудо пеш ласка
да мотор пырыс. Шем пылышан, ош пунан,
кандалге шинчан, а йолжо шеме. Вискасын
ныл игыже шочын. Коктынжо ошо, а вес
кокытшо шеме улыт.

Пиемын лүмжө – Алтай. Поро да
ныжыл лайка. Мый тудым пеш йора-
тем. Алтай суртнам орола.

Палыдыме еным вигак опта.

Диана ЕШЕЕВА, 5-ше класс.
Шернур, Марисола.



*Кум
тӱсан пырыс суртым
пожар да моло азап деч
аралышылан шотлал-
теш.*



*Пырыс
конга деке чак
мия – йӱштӧ
лиеш, пырдыжым
удыра – игече пужла,
кӱварым удыра – мар-
дежлан, поранлан, а
йолжым нула –
сай игечылан.*



Дима МОШКИНЫН сӱретше.
Туныктышо – Н.А.НИКИТИНА.
Марий Турек посёлкысо ДШИ.



*Икымше
полыш семын кушкыл але оливке
ӱйым (3-4 чӱчалтыш) пышташ
лиеш.*

Пырыслан вашкеполыш

Пырысым шукуж годым пылыш чер орландара. Пылышеш йора
налмеке, янлык йолжо дене удыра, вуйжым рӯза. Тыгай годым шке
гыч эмлаш ок йорӧ. Ветеринар деке нангайыман. Тыгыде пудий-
влаклан кӧра пырысын пылышыже лӱгышташ тӱналеш. Пылыш
пудийым жапыштыже от пытаре гын, янлыкын пылышыже пуалеш.

Пырысын температуржо кӱзен кертеш. Пылышым медици-
не спирт дене кечеш кок гана эрыктыман. Вара 1-2
чӱчалтыш спиртым чӱчыктыман да пылышым эркын
туржман. Кум кече жапыште вашталтыш ок шижалт
гын, ветеринар деч пылышым йодман.

Молаи мо логалеш?



Пиемлан

Изи гына Кнопикем
Ила мыйын мӧнгыштем.
Шем изи сурторолем
Куандара уло ешем.

Юлия ИВАНОВА.
Кужӱгер, Шорсола.

Пийын ӧрышыжӧ
3-10 сантиметр куты-
шан. Тудо шинча ӱмбал-
ныжат уло. Тиде пӱр-
тӱс антенне. Тудо
пийлан предмет-вла-
кым палаш, пычке-
мыште кошташ полша,
мардеж кушеч пуал-
мым палдара.



16-шо мур

Шурма кунгемын озаже Чимале кугыза колен колтен. Ынде чоя да осал Пектемыр вуйлата. Тудо Кукарка ден Полтыш он-влакым шкеж дек ўжеш. Нунышт брыныт.

«ЮГОРНО»
эпос почеш

Автор-влак:
Анатолий СПИРИДОНОВ,
Анатолий МОКЕЕВ (марланген).

«Унала ўжеш шкеж деке
Йырвишка ала-могае!
Ны паша нерген ок ойло,
Ны ок йод кагашым, ойым».

Сарзышт-влакым вўдалтен,
кок князь Пектемыр дек
вашка. Мом ужыт? Пектемыр
опкелалтше он-влак дечын
титакшым кудалташ йодеш,
ойла, пуйто вес семын ыштен-
жат кертын огыл, вет мланде
кутыраш тўнгалын, ныл вережат
йымачын йўк шоктен:
«Мландылан оза - Пектемыр!»
Кукарка ден Полтыш огыт ўшане,
но нунын йодмыштланат Мландава
тугак вашешта. Тылеч вара кок
князь когынбыштын кокласе мландым
Пектемырлан пуаш кона. Кок кече йўмаш
шуйна. Кумшо кечылан Пектемыр кече
лекме вельш кудалеш, кок век сoremым



коранда да почылт кайыше
вынемыш кычкыра:

«Колат мо, эргым?
Чот куане, тиде велым
Тыланет пуаш шонем мый!»

Но эрге-шамыч пич каен
коленыт. Пектемыр шем кў
ўмбалне ойгырен шинча. Ужын
огыл, кенета...


Сово лопкытан тасмала,
Йырже энгын,
эркын шикшын;
Кузе Таргылтыш
шортнялге -
Кишкытувыр гай,
колшўм гай -
Сар вургемже дене лектын.
Да ойлен: «Тылеч вара мый
Тыланет кўлеш лиям гын,
Тўналам полшаш эреак».



Пектемыр Таргылтыш деч ныл эргы-
жым портылташ йодеш. Тыгай вашмут
йонга: «Ануным шкеак пуштынат тый,
петырен лўп-лўп вынемыш».
Пектемырын «Колаш вочмеке, кугу поян-
лыкем шочшемлан кодынем ыле» ман-
мыжлан Таргылтыш муно чарын юзо
вийже дене ондак шўдo ийым, а вара
курымышлык илышым пoлеклаш товатла.
Но йодмышым шукташ йодеш. Могайым?

Таргылтыш:

«Шарне:
Нимогай чаманымашым,
Нимогай йоратымашым
Нигунам да нигo деке -
Лийже ўдыр
але вате,
Лийже шонго я икшыве,
Лийже тос але пошкудо -
Шўмышкет



Чоным туржшо шўдo йодыш
Кажнын вуйыштыжо пoрдын -
Пеш кугу опке гыч лекше
Шыде, ормыж шўдo йодыш.

тора йўксавыш
Семынат тетла
ит пурто».

Пектемыр кона. Таргылтыш тудлан эше ик «пoлекым» ышта:
Пектемырын сангашкыже кок тўкo лектын шинчеш. Сoрымышым монда
але ыштен ок шукто гын, тудо лўгышташ, пенаш тўнгалеш. Да эше:
Пектемыр вес лўмым - йолташым, родым лўдыктышым, тушманын oрт-
шым лукшым - налшаш.

Ф.ЛЕБЕДЕВАН сўретше-влак.

О.ВАСИЛЬЕВАН фотожо.


Теве тыгай кovyштам Морко районисо Арын селаште илыше Элла Степанова (снимкыште) ден Антонина Ильинична коваже ончен куштеныт. Телылан витамин лиш. «Мый ковыштан салатым йöратем. Ковам пеш тутло когылым кўэштеш. Тыгак ковыштам шинчалташ оптена», – ойла 2-шо классыште тунемше Элла.



Конкурсыш

Инна НИКИТИНАН фотожо. Мелвелево, Арбан.

«Шоцыр пакчаштел»



Колян ўмылжым му.



Мультфильмысе герой-влакын йолташыштым возо.

Маугли – ..., Чиполлино – ..., Малыш – ..., Винни-Пух – ..., Крокодил Гена – ..., Незнайка – ..., Доктор Айболит – ..., Буратино – ..., Герда – ...

Кристина АРХИПОВА. Морко, Паймыр.




Шола гыч пурлашке: 3.Алфавит. 4.Музей. 6.Корень. 7.Культура. 8.Морфология. 11.Четверг. 12.Столица. 13.Запад. 14.Закон.
Кўшыч ўлыкө: 1.Знак. 2.Море. 5.Предложение. 9.Родник. 10.Спряжение.

Н.Д.ИЛЬИНА, туныктышо. Волжский, Карай.

Шокшо вўдыш кўртнў, пластмассе да пу совла-влакым пыштыме. Кум минут гыч нуным лукмо. Кудо совлаже чот ырэн?



Шон-шо телылан малаш возеш мо?



Сўретым сўретлен пытаре да чиялте.

Индекс: Марий Элыште, Пошкырт ден Татарстан кундемлаште - П4696. Тираж 1000 экз. Заказ 2159. Формат – А-4-8. Директор-тўн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru Сайтын адресше: yamde-lii.ru, Тел. 45-25-49(факс); 45-22-82.

выктыме. Типографийын

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаш тогышто министерстве, «Ямде лий» газет» кугыжаныш унитарный казенный предприятий.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч са-адресше: 424006, Йошкар-Ола, Строитель урем, 95.

Газетым Массовый коммуникаций сферыште да культур наследийым аралымаште законодательством шуктен шо-гымым эскерыше Федеральный службыв Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

0+

Печатьыш пуымо жап – 14-00, фактически – 13-00. Ак – кутырен келшыме почеш.

Авторын да редакцийын шон-машышт түрлө лийын кер-тыт. Серыш-влак мөнгеш огыт колталт.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.